

CHRISTOF FANKHAUSER



Liedtexte

Christof Fankhauser
Hofmattstrasse 41a
4950 Huttwil

062 / 965 43 16
mail@christoffankhauser.ch
www.christoffankhauser.ch

Jetzt geits los

- 1 Plätschvoll
- 2 Gott isch derby (Matthäus 18.20)
- 3 Underwägs (Psalm 139.9)

Mir lobe Gott

- 4 Einzigartig
- 5 So so la la
- 6 Immer öppis z lache (Johannes 14.6)
- 7 Lobet Gott alli (Melodie: Lobe den Herren den mächtigen König der Ehren)
- 8 Grosse Gott mir lobe di (Melodie: Grosser Gott wir loben dich)
- 9/10 Der bescht wos git
- 11 Überraschig

So wien i bi isch guet

- 12 Freuet euch (Philipper 4.4)
- 13 So wien i bi
- 14 Vo Chopf bis Fuess
- 15 Koschtbarer als Gold
- 16 Vo allne Syte (Psalm 139.5)

Danke für ds Ässe

- 17 Fröhleche Lärme (Klagelieder 3.22)
- 18 Vo Fische u Spatze (Matthäus 6.25-34)
- 19 Ässe

Gott luegt guet zu mir

- 20 Uf e Punkt
- 21 Nid erchlüpfe (Johannes 14.1)
- 22 U heisser Spur (Matthäus 7.8, Lukas 11.10)
- 23 E feschte Grund (Matthäus 7. 24-27, Lukas 6.47-49)
- 24 Gott du bisch um mi (Psalm 91)
- 25 I danke dir (Melodie: Nun danket alle Gott)

Liedtexte zur CD „Sing Sag Sugg“ von Christof Fankhauser

1 Plätschvoll

Text und Musik: Christof Fankhauser

© Christof Fankhauser

Plätschvoll mit Farbe, plätschvoll mit Lache,
plätschvoll mit Freud u mit tuusig coole Sache.
Plätschvoll mit Stimme, plätschvoll mit Singe u
plätschvoll mit Lüt, wo das Lied lut lö la klinge.
U der Grund werum das so isch, isch wüll du Gott bi üs bisch.

Fertig glallet, fertig gliiret, fertig grännet, fertig gstieret,
fertig gschumpfe, fertig trotzet, fertig ghüület, fertig gmotzet,
wüll dä Morgen (Nami... / Abe...) isch:

Liedtexte zur CD „Sing Sag Sugg“ von Christof Fankhauser

2 Gott isch derby

(Matthäus 18.20)

Text und Musik: Christof Fankhauser

© Christof Fankhauser

1. Im Wallis da steit ds Matterhorn u Matterhorn gits numen eis!
Verliebt, verlobt u was chunnt denn? Ja, hürate tüe immer zwöi!
My chly Brüetsch het es Velöli u Redli het's dert dranne drüü!
E Cherzechranz gits im Advänt u Cherze druff hets meischtens vier!
Lueg emal a dyne Händ hets Finger, eis, zwöi, drü, vier, füüf!

Ref. Mängsich bisch allei, mängisch sy mer zwöi
oder drü, vier, füfi zäme, wo gärn öppis undernähme.
Ganz egal, was mir grad tüe, Gott isch dert derby,
wo zwe, drei, vier, füüf oder ganz viel Mönsche zäme sy.

2. Z Bärn mitts ir Stadt steit ds Bundeshus u Bundeshus gits numen eis!
U Ouge, Arme, Ohre, Bei, vo all däm hei mir alli zwöi!
Bim Chlee da het s ja Blettli drann, normalerwies sys immer drüü!
Es Outo oder e Traktor, het immer Redli, nämlech vier!
Lueg emal a dine Füess hets Zeihe, eis, zwöi, drü, vier, füüf!

Ref. Mängsich bisch allei, mängisch sy mer zwöi
oder drü, vier, füfi zäme, wo gärn öppis undernähme.
Ganz egal, was mir grad tüe, Gott isch dert derby,
wo zwe, drei, vier, füüf oder ganz viel Mönsche zäme sy.

Schluss:

Ihm vertraue uf ihn luege u so gspüre: är isch da!
isch no besser als im Lotto mal e Sächser z'ha!

Liedtexte zur CD „Sing Sag Sugg“ von Christof Fankhauser

3 Underwägs

(Psalm 139.9)

Text und Musik: Christof Fankhauser

© Christof Fankhauser

1. Jede Morge machsch du di uf d Socke,
s git huffe Wäge, Orte, wo di locke.
U gschieder als nöime umehocke
schlüfsch i die guete Schueh u nimmsch i ds Muu
e Zählermocke!

Ref. Schliiche, schnaagge, chräsme, schlarpe,
tschaupe, tschumple, loufe, hüpfe,
wandre, jogge, ziberle, staabe,
roeifle, renne, jufle, düse.
Underwägs gsehsch du viel, underwägs lehrsch du viel,
underwägs geits Schritt für Schritt zum Ziel.

Mängisch dänksch vilecht, das cha nid sy,
dä Wäg da düre isch viel z schwär für mi.
Doch Gott är hilft dir und begleitet di, i
sch immer da, egal wohi du geisch,
är isch derby.

Ref. (Variante)

Fahre, rolle, radle, böre,
schwümme, sägle, touche, gondle,
snöbe, schiine, gible, schlöfle,
skate, bloche, rite, flüge.
Underwägs gsehsch du viel, underwägs lehrsch du viel,
underwägs geits Schritt für Schritt zum Ziel.

Liedtexte zur CD „Sing Sag Sugg“ von Christof Fankhauser

4 Einzigartig

Text und Musik: Christof Fankhauser

© Christof Fankhauser

So guet, so nach, so gross, so toll,
so megaüberraschend bisch du mi Gott.
So cool, so starch, so mächtig, so fiin,
so wunderbar und einzigartig bisch du mi Gott.

Drum singe - singe - singen i es Loblied für di,
erhäben - äben - äbe myni Händ zu dir hi.
Dermit wett i dir säge, dass du einzigartig bisch
u juble so lut wie's müglech isch!

Liedtexte zur CD „Sing Sag Sugg“ von Christof Fankhauser

5 So so la la

(1. Mose 1.1 - 2.4)

Musik und Text: Christof Fankhauser

© Christof Fankhauser

So-so-la-la

isch nüt gar nüt, won är macht.

Grad nume so „hüb chlüb“ guet

isch nüt gar nüt, won är tuet.

So einzigartig,

so so genial,

so so so ganz u gar, wunderbar

het Gott der Schöpfer aues,

wo erwacht u wo schnuufet

u wachst u wo blüeiht

u wo singt u wo läbt u wo lacht

erfunde u gmacht!

Liedtexte zur CD „Sing Sag Sugg“ von Christof Fankhauser

6 Immer öppis z lache

(Johannes 14.6)

Musik: Hansrudolf Bachmann

Text: Christof Fankhauser

© Christof Fankhauser

1. I ha immer wieder öppis z lululu... luege,
lulululu luege, wüll Christus isch der Wäg!

2. I ha immer wieder öppis z lelele... lehre,
lelelele lehre, wüll Christus d Wahrheit isch!

3. I ha immer wieder öppis z lalala... lache,
lalalala lache, wüll Christus ds Läben isch!

Liedtexte zur CD „Sing Sag Sugg“ von Christof Fankhauser

7 Lobet Gott alli (Melodie: Lobe den Herren den mächtigen König der Ehren)

Text: Christof Fankhauser

© Christof Fankhauser

1. Lobet Gott alli, mir singen es Lied ihm zu Ehre.
U we du mit üs singsch, cha das ou dy schlächt Luun chehre.
S bruucht zwar chli Schnuuf, aber we d singsch, de wachsch uf.
Löt üs das Loblied la ghöre!

2. Lobet Gott alli u danket für das won är gschänkt het.
Wie üsi Läbesspur zeigt, dass är guet a üs dänkt het.
Ir gröschte Not het üse wunderbar Gott
über üs Flügle usbreitet.

3. Lobet Gott alli, är tuet üses Läbe riich sägne:
Lat über üs syni Liebi erfrüschend la rägne.
Mir danke dra, dass Gott viel Wunder het ta.
Schänkt's, dass mir ihm chöi begägne.

Liedtexte zur CD „Sing Sag Sugg“ von Christof Fankhauser

8 Grosse Gott mir lobe di (Melodie: Grosser Gott wir loben dich)

Text: Christof Fankhauser

© Christof Fankhauser

1. Grosse Gott mir lobe di, Herr mir priise, wüll du starch bisch.
Vor Dir wärde mir ganz chly und bestuune das wo du gisch.
Wie du immer scho bisch gsy, so wirsch ou für immer sy.

2. Alles, was di priese cha, Cherubim und Serafine,
stimme dir es Loblied a, alli Ängel, wo dir diene,
rüefe dir Gott ohni Rueh: „Heilig, heilig, heilig!“ zue.

3. Jede Tag da möchte mir, Di, Gott u di Name priese
und zu allne Zyte Dir, Lob und Dank und Ehr erwiese.
Tue üs rette us der Not, bis üs gnädig, grosse Gott.

Liedtexte zur CD „Sing Sag Sugg“ von Christof Fankhauser

9 / 10 Der Bescht wos git

Text: Christof Fankhauser

I kennen eine, s isch der Bescht wo's git,
dä het mi gärn, isch immer da da.
Är isch der Schöpfer vo der ganze Wält
und är isch gross u starch, drum singen ig ihm na na na!
Wen ig ihm cooli Lieder singe, dänkt är gwüss:
das isch der Hit, yeah yeah yeah yeah.
U we ou dir bi däm Song mitsinget,
de soundet dä no meh meh meh meh meh.

Är isch immer da da!
Mir singe für ne na na na!
Es isch der Hit, yeah, yeah, yeah, yeah!
Mir singe no meh, meh meh, meh, meh!

Liedtexte zur CD „Sing Sag Sugg“ von Christof Fankhauser

11 Überraschig

Musik und Text: Christof Fankhauser

© Christof Fankhauser

Ref. Gross isch dyni Güeti, gross isch dyni Chraft,
drum über - über - übersprudlen i vor Fröid!
Gross isch dyni Liebi, gross isch dyni Gnad,
drum über - über - übersprudlen i vor Fröid!

1. Wen i loufe Schritt für Schritt
oder stuune über ds Schöne wo s git.
Zeigen i: mit DIR wott i öppis under - under - undernäh.
wüll für ne Über - Über - Überraschig bisch du Gott immer z ha.

2. Wen i gumpe so höch wien i cha,
wen i es Juble i d Wält usela.
Zeigen i: mit DIR...

3. Wen i pfyffe so lut wie s geit
oder muhe wien e Chueh uf der Weid.
Zeigen i: mit DIR...

4. Wen i chlatsche mit de Händ
oder d Luft ahalte für ne Momänt.
Zeigen i: mit DIR...

Liedtexte zur CD „Sing Sag Sugg“ von Christof Fankhauser

12 Freuet euch

(Philipper 4.4)

Musik und Text: Christof Fankhauser

© Christof Fankhauser

Freuet euch, freuet euch über Gott,
s isch nämlech so, dass är für üs nume ds Beschte wott.
Freuet euch, freuet euch über Gott,
wüll är für üs alli nume ds Beschte wott.

Fätzig i flockig, fröhlech u rockig singe mer d Tön, ärdeschön.
Lut u mit Power, siidig u fiin singe mer gross u chlyn.

I säges grad nomal u immer wieder sägen is,
i säges grad nomal u immer wieder sägen is,
i säges grad nomal u immer wieder sägen is,
i säges grad nomal u immer wieder sägen is:

Liedtexte zur CD „Sing Sag Sugg“ von Christof Fankhauser

13 So wien i bi

Musik und Text: Christof Fankhauser

© Christof Fankhauser

So wien i bi, so wien i bi het Gott mi gmacht
und vor Fröid het är derby ganz sicher glacht.
So wie mer sy, sy mir es Zeiche vo syr Pracht.
So wie mer sy isch guet!
So wien i bi isch guet!

Zum Erzählen:

Jetzt stell dir einisch vor: der Chileturm stieng ufem Chopf,
wär unde spitzig, obe breit. Das wär de komisch hätt i gseit.
Unde isch e feshti Muur,
der Spitz muess richtig Himmu gah,
süscht würd dä nid lang bliebe stah.
So wien es isch, isch guet.

Jetzt stell dir einisch vor: ds Wätter wär eifach immer schön.
Chönntsch, sünnele, bade jede Tag, da würdsch de bruun, das isch ke Frag.
Aber d Ärd trochnet us,
we sie ke Räge überchunnt.
S wär alles düür u nüt meh bunt.
So wien es isch, isch guet.

Liedtexte zur CD „Sing Sag Sugg“ von Christof Fankhauser

14 Vo Chopf bis Fuess

Musik und Text: Christof Fankhauser

© Christof Fankhauser

Teil 1: Vom linggen Ohreläppli bis zum rächte Zäihespitz,
hesch du grosse Gott es Oug uf mi, nenei das isch ke Witz.
Vor Sohle bis zur Scheitle, vom Chopf bis zum Fuess
luegsch du mi a u hesch mi gärn
u schicksch mi i dä Tag als Himmelsgruess!

Teil 2: U drum machen i mi uf:

- mit em ne Stampfen i de Füess
- und em ne Grüppelen i d Chnöi,
- em ne Chlatschen i de Händ,
- und em ne Schwinge mit em Arm,
- em ne Lache uf em Gsicht,
- und em ne Blinzle mit den Ouge
- em ne Gumpe höch i d Luft,

wüll: vom rächten Ohrläppli bis zum rächte Zäihespitz hesch du mi gärn.

Variante 1

Teil 2 mehrmals wiederholen und bei jedem Durchgang das Tempo erhöhen.

Variante 2

Teil 2 mit „Stampge i de Füess“ beginnen. Dann immer eine Bewegung dazu nehmen.
So geht's:

U drum machen i mi uf:

- mit em ne Stampfen i de Füess

wüll: vom rächten Ohrläppli bis zum rächte Zäihespitz hesch du mi gärn.

U drum machen i mi uf:

- mit em ne Stampfen i de Füess
- und em ne Grüppelen i d Chnöi,

wüll: vom rächten Ohrläppli bis zum rächte Zäihespitz hesch du mi gärn.

U drum machen i mi uf:

- mit em ne Stampfen i de Füess
- und em ne Grüppelen i d Chnöi,
- em ne Chlatschen i de Händ,

wüll: vom rächten Ohrläppli bis zum rächte Zäihespitz hesch du mi gärn.

usw.

Liedtexte zur CD „Sing Sag Sugg“ von Christof Fankhauser

15 Koschtbarer als Gold

Musik und Text: Christof Fankhauser

© Christof Fankhauser

(Verse gesprochen, die Namen können natürlich auch ersetzt werden...)

1. I heisse Stefan, ha gärn chalte Gaggo, i bi nid der Fürscht vo Monaco.
I heisse Anna, u ha gärn Ärdbeerquark, i bi nid d Prinzässin vo Dänemark.
I heisse Timo mir gwaggelet e Zahn, i bi nid der Kaiser vo Japan.
My Name, isch Elisabeth Schmid, d Königin vo Ängland, nei die bin i nid.

Ref. Aber alli sy mer, aber alli sy mer, aber alli sy mer,
aber alli sy mer, aber alli sy mer:

Chind ir Hand vom Chönig, vo däm, wo regiert über Himmel und Ärde.
Gliebt vom beschte Chönig, vo däm, wo all das, wo läbt het la wärde.
Koschtbarer als viel Gold u Gäld bisch du für dä, wo die ganzi Wält
ganz sicher i syne Händ treit.
Zu jeder Zyt, a jedem Ort luegt är zu üs u är steit zu sim Wort.

2. I heisse Lukas u ha gärn Marzipan, i bi nid der Sultan vo Oman.
I heisse Roger u mi kennt nid jede, bi halt nid der König vo Schwede.
Vladimir heissen i, gäll das tönt nach Usland, i bi nid der Zar vo Russland.
I heisse Max u isse gärn Melone, i bi nid der Häuptling vo de Schoschone.

Liedtexte zur CD „Sing Sag Sugg“ von Christof Fankhauser

16 Vo allne Syte

(Psalm 139.5)

Musik: Christof Fankhauser

Text: Verena Morgenthaler

Vo allne Syte bisch Du um mi,
Liebe Gott, das merken i.
Mi cha di nid gseh, Du chunnsch nie vüre,
mängisch dünkts mi, i chönn Di gspüre:
Ha plötzlech Chraft wie ne Löi
u schnälli Bei wie nes Ross.
Mit Dir, Gott, chan i Muure überspringe,
bis zum Himmel ufe singe!

Liedtexte zur CD „Sing Sag Sugg“ von Christof Fankhauser

17 Fröhleche Lärme

(Klagelieder 3.22)

Musik und Text: Christof Fankhauser

© Christof Fankhauser

(Einer:) Ig und du, sie und är, (alle:) ig und du, sie und är,
alli hälfe, s isch nid schwär,...
fröhleche Lärme...
mache mir für di!...

Wüll: dyni Güeti het keis Änd, was mir hei chunnt us dyne Händ,
wei drum vor em Ässe ds Danke nid vergässe.
Gottes Güeti het keis Änd, was mir hei chunnt us syne Händ,
wei drum vor em Ässe ds Danke nid vergässe

18 Vo Fische u Spatze

(Matthäus 6.25 - 34)

Musik und Text: Christof Fankhauser

© Christof Fankhauser

1. Hey, stell dir einisch vor du wärsch e Fisch,
i gloub du sitztisch jetz nid a däm Tisch
oder wärisch du e Spatz, du sitztisch jetz nid a däm Platz
u chöntisch vo däm feine Ässe ha.

2. Gott sorgt für Fische, Löie u für Spatze,
sogar für die Tier, wo bim Frässe schmatze.
Nimm du Gott vo üs dä Dank, du gisch ou üs jetz Spiis u Trank.
Du bisch dä, wo's ou üs guet lat la gah.

19 Ässe

Musik und Text: Christof Fankhauser

© Christof Fankhauser

M-pärär-ässe-ässe-ässe,...

Bevor mir ds Ässe i d Müler stosse,
söll no das Lied zum Muul us cho.
Es Lied als Dank dass du Gott für üs sorgsch
u mir singes grad nomal fortissimo:
M-pärär-ässe-ässe-ässe,...

Liedtexte zur CD „Sing Sag Sugg“ von Christof Fankhauser

20 Uf e Punkt

Musik und Text: Christof Fankhauser

© Christof Fankhauser

I säge P - U - N - K - T

P - U - N - K - T: Punkt.

I säge P - U - N - K - T

P - U - N - K - T: Punkt.

Wär i bi, was i ha, was i wett, won i stah,
was i gseh, was i cha, won i düregah,
ja du schänksch mir ds Läbe, du gisch mir Schnuuf,
zu dir Gott luegen i uf.

Du bisch mi Startpunkt u my Stützpunkt, du bisch my Wändepunkt,
bisch my Träffpunkt u my Blickpunkt, du bisch my Ussichtspunkt.

Mit dir machen i myni Pluspüunkt

du heilisch myni wunde Püunkt.

Du bringsch mys ganze Läbe

ufe P uf e U uf e N uf e K uf e T, ufeeee... Punkt!

Liedtexte zur CD „Sing Sag Sugg“ von Christof Fankhauser

21 Nid erchlüpfe

(Johannes 14.1)

Musik und Text: Christof Fankhauser

© Christof Fankhauser

Hesch dir s grad chly gmüetlech gmacht, da chunnt vo hinge dä
Löli liisli häre z schliiche u macht plötzlech: BBÄÄHH!
Bisch ja süsch kes Weichei, aber jetze schlottre d Bei.
S brucht numen no e chlyne Mupf
u du gheisch wäg däm Riesechlupf grad um. Wumm!

Christus seit: Dys Härz söll nid erchlüpfe, gloub a mi!
Grad we d Bei dir schlottre, du di schwach füelsch, treit är di.
Begleitet di bi jedem Schritt, so dass du kei Angscht muesch ha.
Nüt söll di erchlüpfe, wüll du weisch: är isch immer da.

Liedtexte zur CD „Sing Sag Sugg“ von Christof Fankhauser

22 Uf heisser Spur

(Matthäus 7.8 / Lukas 11.10)

Musik und Text: Christof Fankhauser

© Christof Fankhauser

Zersch han i gluegt, ganz genau gluegt,
Denn han i glost: Hey! Pssst;
U de no d Nase i Wind gsteckt u gschmöckt.
Ha sofort gwüsst: die Spur, die Spur isch heiss.
So han i mi uf d Suechi gmacht;
Denn a die Türe klopft.
U ha de nomal scharf überleit.
Ha sofort gwüsst: die Spur, die Spur isch heiss.

Es isch d Spur vo Gottes Liebi, es sy Spure vo syr Gnad,
won är immer wieder nöi i mym Läbe hinderlaat.
Dä wo bittet überchunnt u die wo sueche wärde finde.
A ne Tür wo zue isch, chlopf doch eifach a,
de wird die Türe ou für di ufgah.

Liedtexte zur CD „Sing Sag Sugg“ von Christof Fankhauser

23 E feschte Grund

(Matthäus 7. 24-27 / Lukas 6.47-49)

Musik und Text: Christof Fankhauser

© Christof Fankhauser

Refrain. Du Gott bisch e feschte Grund, uf di wei mer boue.
Üse Wäg wei mir mit dir ga und wei dir ganz vertraue.

1. Nid wie dä, wo sys Huus uf sandige Grund wott stelle,
mir boue uf e Fels u si sicher, felsefescht, uf di cha me zelle.

2. Nid wie dä wo sy Chopf i Lärm vo der Wält wott stecke.
I lose uf die Stimm, wo ganz sachte, fiin u liecht, mys Härz cha wecke.

Liedtexte zur CD „Sing Sag Sugg“ von Christof Fankhauser

24 Gott, du bisch um mi

(Psalm 91)

Musik: Christof Fankhauser

Text: Verena Morgenthaler

Gott, du bisch um mi
wien e Schale, wo mi schützt u stützt,
wo mi het u treit, so dass nüt verheit.
Gott, du bisch um mi
wie nes grosses, wyts, weichs Tuech,
won i mi dry lyre cha, Wermi gspüre und Fride ha.
Gott, hääb mi guet, Gott, hääb mi guet
und wen i Angscht ha, gib mer Muet.

Liedtexte zur CD „Sing Sag Sugg“ von Christof Fankhauser

25 I danke dir (Melodie: Nun danket alle Gott)

Text: Christof Fankhauser

© Christof Fankhauser

I danke dir mi Gott, tue dir es Loblied singe.
Du bisch es, wo ou hüt no Wunder tuet vollbringe.
Du sorgsch für Gross u Chly, u luegsch mi fründlech a.
Du bisch es, wo a mir scho so viel Guets het ta.

I stuune über di, du Schöpfer vo der Ärde,
Luft, Ärde, Wasser, Fүү, all das hesch du la wärde.
Dys Liecht das lüüchtet häll mir i der Dunkelheit
u d Chraft vo dir git mir Schutz u Geborgeheit.

Du leisch uf jede Tag, won i drinn stah dy Säge,
begleitisch jede Schritt uf myne Läbeswäge,
schänksch mir es fröhlichs Härz, mym Läbe gisch du Sinn.
Der Blick uf di z ha isch für mi e grosse Gwinn.